



Trg pravde 10, 76100 Brčko distrikt Bosne i Hercegovine; tel: 049/217-955; fax: 049/235-070; mail: pkbd@pkbd.ba
Трг правде 10, 76100 Брчко дистрикт Босне и Херцеговине; тел: 049/217-955; факс: 049/235-070; е-пошта: pkbd@pkbd.ba

Broj: SuPK-00-539/22-I
Brčko, 29.04.2022. godine

Z A P I S N I K
sa 235. sjednice Pravosudne komisije Brčko distrikta BiH
održane 29.04.2022. godine, u 08,30 sati sa slijedećim

Dnevni m redom

1. Usvajanje zapisnika sa 234. redovne i 107. vanredne sjednice Pravosudne komisije Brčko distrikta BiH
2. Prijedlog Zakona o izmjenama i dopunama Zakona o platama i naknadama zaposlenih u pravosuđu Brčko distrikta BiH
(izvjestilac: Dejan Đurović)
3. Inicijativa komandira Sudske policije BD BiH za izmjenu Zakona o Sudskoj policiji BD BiH
(izvjestilac: Dejan Đurović)
4. Prijedlog M. S. za ponavljanje postupka okončanog rješenjem Pravosudne komisije broj: SuPK-01-1652/21 od 17.12.2021. godine
(izvjestilac: Dejan Đurović)
5. Prijedlog M. S. za ponavljanje postupka okončanog rješenjem Pravosudne komisije broj: SuPK-01-1149/21 od 28.03.2022. godine
(izvjestilac: Dejan Đurović)
6. Utvrđivanje postojanja okolnosti za prijevremeno razrješenje Envera Tursunovića, člana Pravosudne komisije iz reda građana
(izvjestilac: Dejan Đurović)
7. Molba advokata M. L. za dostavu informacija u vezi važnosti propisa o osiguranju na području Brčko distrikta BiH
(izvjestilac: Dejan Đurović)
8. Informacija Radne grupe za izradu analize zakonskog i podzakonskog okvira kojim je regulisan status i rad notara u BD BiH
(izvjestilac: Dejan Đurović)
9. Mišljenje na Nacrt Sporazuma između Vlade Republike Srbije i Vijeća Ministara BiH o saradnji u oblasti borbe protiv trgovine ljudima
(izvjestilac: Dejan Đurović)
10. Donošenje odluke o organizaciji rada pravosudnih institucija BD BiH za vrijeme proglašenog stanja prirodne nesreće
(izvjestilac: Dejan Đurović)
11. Nacrt Odluke o utvrđivanju radnih mjesta u Sudskoj policiji BD BiH na kojima se staž osiguranja računa u uvećanom trajanju
(izvjestilac: Dejan Đurović)

12. Odluka o organizaciji seminara za sudije i tužioce na temu Aktuelna pitanja iz Zakona o parničnom postupku Brčko distrikta BiH – Sporno pravno pitanje
(izvjestilac: Dejan Đurović)
13. Izvještaj o obavljenoj edukaciji za službenike i nemještenike pravosudnih institucija Brčko distrikta na temu „Etički kodeks“
(izvjestilac: Dejan Đurović)
14. Imenovanje Komisije za zapošljavanje po raspisanom javnom konkursu broj: SuPK-01-404/22-I od 08.04.2022. godine
(izvjestilac: Dejan Đurović)
15. Verifikacija Rješenja o prestanku radnog odnosa Avdić Muhamedu, sudiji Osnovnog suda Brčko distrikta
(izvjestilac: Dejan Đurović)
16. Zahtjev zamjenika disciplinskog tužioca za isplatu naknade za rad za mjesec mart 2022. godine
(izvjestilac: Dejan Đurović)
17. Zahtjev Disciplinske komisije za isplatu naknade za rad za mjesec mart 2022. godine
(izvjestilac: Dejan Đurović)
18. R a z n o
- Informacija o zakonima u skupštinskoj proceduri

PRISUTNI SU:

1. SAFET PIZOVIĆ, predsjednik Komisije,
2. DAMJAN KAURINOVIĆ, predsjednik Apelacionog suda BD BiH,
3. ILINKA GAVRIĆ, pravobranilac u Pravobranilaštvu Brčko distrikta BiH,
4. ENVER TURSUNOVIĆ, član Komisije iz reda građana,
5. VELIBOR JAKIĆ, član Komisije iz reda građana,
6. MIRKO TRIFKOVIĆ, član Komisije iz reda građana.

Sjednica počela u 08,36 sati.

Konstatuje se da sjednici prisustvuje šest članova Komisije, i da su opravdano odsutni članovi Mato Tadić, Jadranko Grčević i Zekerija Mujkanović, te da sjednici prisustvuje i sekretar Komisije Dejan Đurović.

Predsjednik Komisije otvara 235. redovnu sjednicu Pravosudne komisije sa predloženim dnevnim redom, s tim što predlaže da se isti dopuni na način da se iza predložene tačke 17. dodaju nova tačke koje glase: „18. Molba predsjednika Disciplinske komisije za provođenje disciplinskih postupaka protiv službenika i namještenika u pravosuđu Brčko distrikta BiH za davanje saglasnosti za rad izvan radnog vremena, u predmetu broj: SuPK-01-281/22“, „19. Molba predsjednika Disciplinske komisije za provođenje disciplinskih postupaka protiv službenika i namještenika u pravosuđu Brčko distrikta BiH za davanje saglasnosti za rad izvan radnog vremena, u predmetu broj: SuPK-01-381/22“ i „20. Nominovanje članova u podgrupe Procjene rizika od sprečavanja pranja novca i finansiranja terorističkih aktivnosti“.

Slijedom predloženih dopuna, numeracija tačaka se pomjera, tako da tačka Razno postaje tačka broj 21.

Predsjednik predlaže da se tačka 6, skine s dnevnog reda i razmatra na sledećoj sjednici zbog nepotpunog sastava Komisije.

Predloženi, dopunjeni i izmjenjeni dnevni red, je usvojen jednoglasno, bez primjedbi.

Prelazi se na prvu tačku dnevnog reda.

1. Usvajanje zapisnika sa 234. redovne i 107. vanredne sjednice Pravosudne komisije Brčko distrikta BiH

Nakon razmatranja zapisnika konstatuje se da su zapisnici sa 234. redovne i 107. vanredne sjednice Pravosudne komisije usvojeni jednoglasno, bez primjedbi.

2. Prijedlog Zakona o izmjenama i dopunama Zakona o platama i naknadama zaposlenih u pravosuđu Brčko distrikta BiH

Nakon obrazloženja i provedene diskusije, Komisija je jednoglasno utvrdila prijedlog Zakona o platama i naknadama zaposlenih u pravosuđu Brčko distrikta BiH.

Nakon pribavljenih mišljenja nadležnih institucija, prijedlog Zakona uputiti u skupštinsku proceduru usvajanja.

3. Inicijativa komandira Sudske policije BD BiH za izmjenu Zakona o Sudskoj policiji BD BiH

Nakon obrazloženja i provedene diskusije, Komisija je jednoglasno utvrdila Zakon za izmjenu Zakona o Sudskoj policiji BD BiH.

Nakon pribavljenih mišljenja nadležnih institucija, prijedlog Zakona uputiti u skupštinsku proceduru usvajanja.

4. Prijedlog M. S. za ponavljanje postupka okončanog rješenjem Prvosudne komisije broj: SuPK-01-1652/21 od 17.12.2021. godine

Nakon obrazloženja, Komisija je jednoglasno donijela sljedeći

Zaključak

Prijedlog M. S. iz Brčkog za ponavljanje postupka okončanog rješenjem Prvosudne komisije Brčko distrikta BiH broj: SuPK-01-1652/21 od 17.12.2021. godine, se **ODBACUJE** kao nedopušten.

5. Prijedlog M. S. za ponavljanje postupka okončanog rješenjem Prvosudne komisije broj: SuPK-01-1149/21 od 28.03.2022. godine

Nakon obrazloženja, Komisija je jednoglasno donijela sljedeći

Zaključak

Prijedlog M. S. iz Brčkog za ponavljanje postupka okončanog rješenjem Prvosudne komisije Brčko distrikta BiH broj: SuPK-01-1149/21 od 28.03.2022. godine, se **ODBACUJE** kao nedopušten.

6. Molba advokata M. L. za dostavu informacija u vezi važnosti propisa o osiguranju na području Brčko distrikta BiH

Nakon obrazloženja, Komisija je jednoglasno donijela sljedeći

Zaključak

Kojim se obavještava advokat M. L. da je Prvosudna komisija Brčko distrikta BiH, razmatrala predmetnu molbu i utvrdila da nije nadležna institucija za davanje informacija koje se odnose na primjenu propisa iz oblasti osiguranja na području Brčko distrikta BiH.

7. Informacija Radne grupe za izradu analize zakonskog i podzakonskog okvira kojim je regulisan status i rad notara u BD BiH

Nakon obrazloženja, Komisija je jednoglasno donijela sljedeći zaključak kojim će se obavjestiti članovi Radne grupe da je Pravosudna komisija Brčko distrikta BiH je razmatrala Informaciju Radne grupe za izradu analize zakonskog i podzakonskog okvira kojim je regulisan status i rad notara u Brčko distriktu BiH. Navedenom informacijom je od strane člana Radne grupe, notara Jasminke Durmić-Mašić, inicirano da Pravosudna komisija neovisno od utvrđene analize, koja prethodi normativnim aktivnostima propisa iz oblasti notarijata, pristupi izmjenama i dopunama Pravilnika o radu notara i Pravilnika o visini nagrade i naknade troškova notara kao povjerenika suda u ostavinskom postupku u dijelu tarife kojom je regulisan ostavinski postupak, a u skladu sa prijedlogom notara od 22.10.2020. godine. U vezi s tim, Komisija je mišljenja da u ovom momentu nije nužno mijenjati navedene pravilnike imajući u vidu da je potrebno, prije svega, nakon izvršene analize pristupiti izradi izmjena i dopuna ili donošenja novog Zakona o notarima Brčko distrikta BiH, a potom izradi podzakonskih akata (Pravosudna komisija je u Plan rada za 2022. godinu u normativnim aktivnostima za drugo polugodište predvidjela izradu prijedloga izmjena i dopuna Zakona o notarima Brčko distrikta BiH).

Takođe, članovi Radne grupe svoje prijedloge i sugestije za izmjene i dopune propisa iz ove oblasti trebaju navesti u analizi koja će biti osnov za izradu Zakona o notarima Brčko distrikta BiH i podzakonskih akata.

8. Mišljenje na Nacrt Sporazuma između Vlade Republike Srbije i Vijeća Ministara BiH o saradnji u oblasti borbe protiv trgovine ljudima

Nakon obrazloženja, Komisija je jednoglasno donijela sljedeći zaključak da se obavjesti Ministarstvo sigurnosti Bosne i Hercegovine, da je Komisija razmatrala tekst Nacrta Sporazuma i uvažavajući predmet i sadržaj istog predlaže da se u smislu člana 3. stav 2. Nacrta u tekst uvrste Tužilaštvo Brčko distrikta BiH i Pravosudna komisija Brčko distrikta BiH.

9. Donošenje odluke o organizaciji rada pravosudnih institucija BD BiH za vrijeme proglašenog stanja prirodne nesreće

Nakon obrazloženja, Komisija je jednoglasno donijela sljedeću

O D L U K U

**o organizaciji rada pravosudnih institucija Brčko distrikta BiH
za vrijeme proglašenog stanja prirodne nesreće**

I Radni procesi u pravosudnim institucijama Brčko distrikta BiH i notarskim kancelarijama sa sjedištem u Brčko distriktu BiH provodiće se uz poštovanje procedura za

sprečavanje i suzbijanje epidemije COVID-19 na način da se provode mjere obavezne dezinfekcije ruku na ulazu u prostor te u samom prostoru na lakše dostupnim mjestima osigura dozator sa dezinfekcionim sredstvom za ruke i jasno istaknuto obavještenje o obavezi dezinfekcije ruku (dozator sa dezinfekcionim sredstvom mora da bude na bazi 70% alkohola).

II Nalaže se rukovodiocima pravosudnih institucija Brčko distrikta BiH i notarskim kancelarijama sa sjedištem u Brčko distriktu BiH da u okviru svojih institucija/kancelarija provode mjere iz tačke I ove odluke.

III Rad Apelacionog suda Brčko distrikta BiH, Osnovnog suda Brčko distrikta BiH, Tužilaštva Brčko distrikta BiH organizovati u skladu sa Odlukom Visokog sudskog i tužilačkog vijeća Bosne i Hercegovine o organizacijama rada u sudovima i tužilaštvima u Bosni i Hercegovini i odlukama nadležnih institucija i organa Brčko distrikta BiH.

IV Kontrolu postupanja u skladu sa ovom odlukom u pravosudnim institucijama vršiće Sudska policija Brčko distrikta BiH i Stručna služba Pravosudne komisije.

V Ovom odlukom stavlja se van snage Odluka Pravosudne komisije Brčko distrikta BiH, broj: SuPK-03-548/2020 od 11.05.2020. godine.

VI Ova odluka stupa na snagu danom donošenja.

10. Nacrt Odluke o utvrđivanju radnih mjesta u Sudskoj policiji BD BiH na kojima se staž osiguranja računa u uvećanom trajanju

Nakon obrazloženja, Komisija je jednoglasno utvrdila sljedeći nacrt Odluke koji će se dostaviti Vladi Brčko distrikta BiH na razmatranje, u sljedećem sadržaju:

ODLUKA

o utvrđivanju radnih mjesta u Sudskoj policiji Brčko distrikta BiH na kojim se staž osiguranja računa u uvećanom trajanju

Član 1

Ovom odlukom utvrđuju se radna mjesta u Sudskoj policiji Brčko distrikta BiH na kojima se staž osiguranja računa u uvećanom trajanju.

Član 2

Stož osiguranja u uvećanom trajanju računa se na način što se 12 (dvanaest) mjeseci efektivno provedenih na radu računa kao 16 (šesnaest) mjeseci staža osiguranja licima koja rade na slijedećim radnim mjestima u Sudskoj policiji Brčko distrikta BiH:

- a) komandir Sudske policije Brčko distrikta BiH,
- b) zamjenik komandira Sudske policije Brčko distrikta BiH,
- c) sudski policajac.

Član 3

Stož osiguranja sa uvećanim trajanjem računa se samo za puno radno vrijeme koje je osiguranik radio. Kao puno radno vrijeme računa se i skraćeno vrijeme i vrijeme koje je osiguranik proveo na godišnjem odmoru i plaćenom odsustvu u skladu sa zakonom. Za vrijeme privremene spriječenosti za rad, izuzev ako je osnov spriječenosti za rad povreda na radu ili profesionalno oboljenje, ne računa se staž osiguranja u uvećanom trajanju.

Član 4

Ovom Odlukom stavlja se van snage Odluka o utvrđivanju radnih mjesta u Sudskoj policiji Brčko distrikta BiH na kojim se staž osiguranja računa u uvećanom trajanju („Službeni glasnik Brčko distrikta Bosne i Hercegovine, broj:42/16).

Član 5

Ova odluka stupa na snagu danom donošenja a primjenjuje se od 28.07.2021. godine.

Član 6

Ova odluka objavljuje se u „Službenom glasniku Brčko distrikta BiH.“

Član 7

Ovaj nacrt Odluke dostavlja se Vladi Brčko distrikta BiH na razmatranje i donošenje.

A potom je Komisija donijela i zaključak da se predmetna odluka dostavi relevantnim institucijama na mišljenje.

11. Odluka o organizaciji seminara za sudije i tužioce na temu Aktuelna pitanja iz Zakona o parničnom postupku Brčko distrikta BiH – Sporno pravno pitanje

Nakon obrazloženja, Komisija je jednoglasno donijela sljedeću

Odluku

Pravosudna komisija Brčko distrikta BiH, u saradnji sa Centrom za edukaciju sudija i tužilaca Federacije BiH i Centrom za edukaciju sudija i tužilaca Republike Srpske, uzima učešće u organizaciji seminara na temu „ Aktuelna pitanja iz Zakona o parničnom postupku Brčko

distrikta BiH – Sporno pravno pitanje“, koji će biti održan 14.06.2022. godine u sali za edukaciju Pravosudne komisije Brčko distrikta BiH.

Za edukatora se imenuje g. Goran Nežirović, sudija Vrhovnog suda Federacije BiH.

Edukator ima obavezu da učestvuje u pripremi, kreiranju i sastavljanju dnevnog reda seminara najkasnije 15 dana prije održavanja seminara, da organizuje praktični dio obuke, da pripremi i dostavi određenu temu u formi elektronskog materijala pripremljenog za korištenje u procesu edukacije najkasnije 15 dana prije održavanja seminara, da podnese izvještaj o evaluaciji seminara sa zaključcima seminara u roku od 8 dana od dana završetka seminara i da podnese obračun troškova edukacije uz prilaganje originalnih dokaza i dokumenata u roku od 8 dana od dana završetka seminara.

Pravosudna komisija će obezbjediti tehničku podršku i uslove za održavanje seminara, kao i učešće službenika Pravosudne komisije koji će edukatoru pomoći u vršenju njihovih dužnosti i koji će obavljati ostale poslove koji su od značaja za uspješnu realizaciju seminara.

Pravosudna komisija Brčko distrikta BiH će snositi troškove naknade za rad edukatora i eventualnog smještaja, o čemu će se donijeti posebna odluka, kao i troškove osvježanja i troškove ručka za učesnike seminara.

12. Izvještaj o obavljenoj edukaciji za službenike i nemještenike pravosudnih institucija Brčko distrikta na temu „Etički kodeks“

Nakon obrazloženja, konstatuje se da je Komisija Izvještaj o obavljenoj edukaciji za službenike i nemještenike pravosudnih institucija Brčko distrikta na temu „Etički kodeks“ primila k znanju i jednoglasno donijela sljedeću

Odluku

Nalaže se finansijskoj službi Pravosudne komisije Brčko distrikta BiH da na ime naknade za izvršenu edukaciju na seminaru na temu „Etički kodeks“ održanom dana 15.04.2022. godine u Brčkom, edukatoru Mersudinu Pružan, tužiocu Tužilaštva BiH, isplati iznos od 480,62 KM (četiristotineosamdeset i 62/100 KM) i na ime troškova prevoza iznos od 372,00 KM (tristotinesedamdesetdvije KM), što ukupno iznosi 852,62 KM (osamstotinapedesetdvije KM i 62/100 KM).

13. Imenovanje Komisije za zapošljavanje po raspisanom javnom konkursu broj: SuPK-01-404/22-I od 08.04.2022. godine

Nakon obrazloženja i provedene diskusije, Komisija je jednoglasno donijela sljedeću

O D L U K U
o imenovanju komisija za zapošljavanje po javnom konkursu broj: SuPK-01-404/22-I od 08.04.2022. godine

I Imenuje se Komisija za zapošljavanje Stručni saradnik u Apelacionom sudu Brčko distrikta BiH (na neodređeno vrijeme), u sastavu tri člana:

1. Damjan Kaurinović, predsjednik,
2. Safet Pizović, član,
3. Jadranko Grčević, član.

II Imenuje se Komisija za zapošljavanje Referent-operater-asistent u Osnovnom sudu Brčko distrikta BiH (na neodređeno vrijeme), u sastavu tri člana:

1. Dragan Tomaš, predsjednik,
2. Mirela Azapović, član,
3. Smajila Kikić, član.

III Imenuje se Komisija za zapošljavanje Operatera-asistenta u Pravobranilaštvu Brčko distrikta BiH, (na neodređeno vrijeme)

1. Ilinka Gavrić, predsjednik,
2. Ivana Stjepanović, član,
3. Husein Džafić, član.

14. Verifikacija Rješenja o prestanku radnog odnosa Avdić Muhamedu, sudiji Osnovnog suda Brčko distrikta

Nakon obrazloženja, Komisija je jednoglasno izvršila verifikaciju Rješenja o prestanku radnog odnosa Avdić Muhamedu, sudiji Osnovnog suda Brčko distrikta, broj: SuPK-01-503/22 od 20.04.2022. godine.

15. Zahtjev zamjenika disciplinskog tužioca za isplatu naknade za rad za mjesec mart 2022. godine

Nakon obrazloženja i provedene diskusije, Komisija je jednoglasno donijela sljedeću

O D L U K U

o isplati naknade zamjeniku disciplinskog tužioca za mjesec mart

Nalaže se finansijskoj službi Pravosudne komisije da iz sredstava osiguranih u Budžetu Brčko distrikta BiH na organizacionom kodu 12010001 Pravosudne komisije, ekonomski kod 611200 – naknade troškova zaposlenika, izvrši isplatu naknade za rad Huseinu Džafiću, zamjeniku disciplinskog tužioca, iznos od 142,52 KM.

16. Zahtjev Disciplinske komisije za isplatu naknade za rad za mjesec mart 2022. godine

Nakon obrazloženja i provedene diskusije, Komisija je jednoglasno donijela sljedeću

O D L U K U

o isplati naknade Disciplinskoj komisiji za provođenje disciplinskih postupaka protiv službenika i namještenika u pravosuđu Brčko distrikta BiH za mjesec mart 2022. godine

Nalaže se finansijskoj službi Pravosudne komisije da iz sredstava osiguranih u Budžetu Brčko distrikta BiH na organizacionom kodu 12010001 Pravosudne komisije, ekonomski kod 611200- Naknade troškova zaposlenih, izvrši isplatu naknade za rad:

- Samiru Beganoviću, predsjedniku Disciplinske komisije, iznos od 142,52 KM,
- Mladenu Pejičiću, članu Disciplinske komisije, iznos od 142,52 KM,
- Sanji Ilić Čerkezović, članu Disciplinske komisije, iznos od 142,52 KM,
- Nataši Kovač, zapisničaru Disciplinske komisije, iznos od 142,52 KM.

17. Molba predsjednika Disciplinske komisije za provođenje disciplinskih postupaka protiv službenika i namještenika u pravosuđu Brčko distrikta BiH za davanje saglasnosti za rad izvan radnog vremena, u predmetu broj: SuPK-01-281/22

Nakon obrazloženja, Komisija je jednoglasno donijela sljedeću

O D L U K U

Daje se saglasnost vijeću Disciplinske komisije, da u disciplinskom predmetu pokrenutom po zahtjevu zamjenika disciplinskog tužioca, broj SuPK-01-281/22 od 06.04.2022. godine, svoj rad organizuje izvan radnog vremena.

18. Molba predsjednika Disciplinske komisije za provođenje disciplinskih postupaka protiv službenika i namještenika u pravosuđu Brčko distrikta BiH za davanje saglasnosti za rad izvan radnog vremena, u predmetu broj: SuPK-01-321/22

Nakon obrazloženja, Komisija je jednoglasno donijela sljedeću

O D L U K U

Daje se saglasnost vijeću Disciplinske komisije, da u disciplinskom predmetu pokrenutom po zahtjevu disciplinskog tužioca, broj SuPK-01-321/22 od 21.04.2022. godine, svoj rad organizuje izvan radnog vremena.

19. Nominovanje članova u podgrupe Procjene rizika od sprečavanja pranja novca i finansiranja terorističkih aktivnosti

Nakon obrazloženja i provedene diskusije, Komisija je jednoglasno predložila da u sastav Podgrupa budu uključeni predstavnici Komisije na način kako slijedi:

- 1. Podgrupa za procjenu prijetnje od pranja novca** - Rade Mitrović, stručni saradnik za poslove upravljanja privremeno oduzetom imovinom,
- 2. Podgrupa za procjenu ranjivosti pranja novca** - Merima Mujkić, stručni saradnik za pravne poslove i evropske integracije,
- 3. Podgrupa za procjenu ranjivosti ne-finansijskog sektora od pranja novca** - Merima Mujkić, stručni saradnik za pravne poslove i evropske integracije.

20. R a z n o

-Informacija o zakonima u skupštinskoj proceduri

Sekretar Komisije je informisao članove Komisije da Zakon o izmjeni Zakona o stečaju Brčko distrikta BiH u drugom čitanju, još nije uvršten na sjednicu te se čeka da isti bude uvršten.

Kako se više niko nije javio za riječ, 235. redovna sjednica završena je u 09,38 sati.

**Zapisnik vodila
Nataša Kovač**

**Predsjednik
Pravosudne komisije**

Safet Pizović

